

# ÁREA CIDADE HISTÓRICA: AUDITORÍA CIDADÁ

A área urbana convocada no encontro AO VIVO da cidade histórica comprende os barrios intramuros da zona vella así como o Castrón Douro, San Lourenzo e Galeras. Unha área ampla e diversa na que residen 6.000 veciños e veciñas e que presenta diferentes necesidades específicas, tal e como fomos recollendo nestes dous anos anteriores a través da auditoría cidadá. Unha diagnose realizada atendendo tanto peticións e suxestións individuais como canalizadas a través do tecido asociativo veciñal destes barrios, concretamente en encontros con:

- A.VV. Casco Histórico
- A.VV Da Galea
- A.VV. Castelao
- Plataforma de Galeras
- A. VV Río Sarela

A partir deste traballo de interlocución detectamos as demandas máis necesarias da área, que resumimos neste listado:

## ZONA VELLA

- Habilitar novas zonas de aparcamento para residentes na zona histórica
- Formación ao corpo policial para mellorar a atención á veciñanza
- Control e regulación dos ruídos nocturnos na vía pública
- Mellora da accesibilidade na zona histórica
- Posta en valor das edificacións abandonadas
- Mellora da iluminación pública na améndoa
- Substitución das tubaxes de chumbo
- Soterramento do cableado
- Instalación de máis papeleiras e aumento da frecuencia de limpeza
- Control do uso de funxicidas para evitar o deterioro da pedra
- Mellora do programa de desratización
- Axilizar o sistema de concesión de licenzas de obra
- Bonificación nas taxas de obras de rehabilitación e mantemento das vivendas e locais
- Control das mercadorías expostas na vía pública
- Limpeza da saída de pluviais en San Roque e Santa Clara

- Prohibición das terrazas permanentes na zona histórica
- Facilitar a celebración de eventos de música ao vivo nos locais da zona vella
- Acondicionamento dun centro sociocultural para a zona histórica
- Unificación de criterios sobre os aforos dos locais de hostalería
- Adopción de medidas para evitar a proliferación de establecementos hoteleiros na améndoa
- Mudar a localización dos xeradores eléctricos cando se celebran eventos na Praza do Obradoiro
- Limpeza dos sumidoiros para evitar as inundacións na zona de San Clemente
- Pintado da zona de aparcadoiro para motos na Avenida de Figueroa

## CASTRÓN DOURO - OLVIDO

- Instalación dunha reixa no cancelón de Sar para evitar inundacións
- Colocación dunha pedra do chanzo que da acceso ao parque dos cans no Olvido
- Solucionar os desbordamentos no sumidoiro situado diante do restaurante O Sendeiro
- Posta a disposición da veciñanza das prazas de propiedade municipal do aparcamento do Olvido
- Atención ás casas en estado ruinoso do barrio que están causando danos nas vivendas lindeiras
- Reserva de prazas de aparcamento para persoas con mobilidade reducida
- Reparación dos contedores do lixo

## GALERAS - CARME DE ABAIXO

- Arranxo e mellora da Calzada do Carme
- Limpeza e sinalización das rutas pola beira do Sarela
- Mellora da sinalética do Camiño de Fisterra
- Posta en marcha de campañas didácticas para mellorar o uso dos contedores do lixo
- Limpeza das hortas traseiras da rúa das Hortas
- Posta en marcha dun camiño escolar seguro ata o colexio Raíña Fabiola
- Deseño dun plan piloto para reducir a velocidade máxima permitida a 30 km/h, garantindo un tránsito seguro entre peóns e bicicletas
- Iniciar a rehabilitación da Casa das Máquinas
- Posta a disposición das comunidades escolares dun horto socio-educativo
- Acondicionamento de sendeiros polas beiras do Sarela e do Monte Pedroso
- Mellora do parque infantil e instalación dun composteiro no parque de Galeras
- Posta en uso do antigo hospital de Galeras

- Fito de memoria das lavandeiras do Espiño
- Obras da confederación hidrográfica do Río Sarela
- Celebración dun acto conmemorativo no Parque de Galeras para honrar ás lavandeiras no 8 de marzo

## SAN LOURENZO

- Mellora da sinalización horizontal nos pasos de peóns no cruce de San Lourenzo e Campus Sur
- Acondicionamento e posta en funcionamento da fonte da carballeira de San Lourenzo
- Instalación de bancos na carballeira de San Lourenzo
- Recolocación do sinal do Camiño de Fisterra localizado na entrada da carballeira de San Lourenzo
- Cambio das fiestras do Centro Sociocultural de San Lourenzo
- Habilitar zona de estacionamento para residentes en horario nocturno no contorno de San Lourenzo
- Instalación dunha varanda nas escaleiras de acceso ao parque infantil desde a carballeira de San Lourenzo
- Mellora do mantemento do xardín e da fonte do Sanatorio La Robleda
- Podado das árbores que tapan a farola da carballeira de San Lourenzo
- Construción dun muro de contención na rúa Agro das Barreiras para evitar derrubes do terreo
- Solicitar a limpeza de fincas para paliar o risco de incendios
- Acondicionamento do campo da festa localizado en terreos municipais na Ribeira de San Lourenzo
- Mellorar ou impedir o acceso de autobuses ao hotel situado na rúa Oblatas para evitar danos nas beirarrúas
- Supresión de dúas prazas de aparcamento fronte a entrada do hotel para facilitar a visibilidade
- Acondicionamento de zona de aparcamento para residentes no Carme de Abaixo
- Mantemento das pasarelas do río desde o Carme de Abaixo ata Galeras
- Reparación dos puntos de luz avariados no canellón dos gatos
- Acondicionamento de hortas urbanas no ámbito de San Lourenzo
- Colocación dunhas placas cos nomes das rúas Agro das Barreiras e Ribeira de San Lourenzo
- Atención por parte da brigada de limpeza á Corredoira dos Muíños, Agro das Barreiras, Toxeira de San Lourenzo e Rueiro de Figueiriñas



# FALAMOS



Actos de rendición de contas do alcalde e dos e das integrantes do goberno municipal de Santiago

**MARTES 27 DE XUÑO, 20:00h**  
**MERCADO DE ABASTOS**

ÁREA **CIDADE HISTÓRICA**  
Zona vella (intramuros), Castrón Douro, San Lourenzo, Galeras

Coa participación do alcalde, Martiño Noriega, e os concelleiros e concelleiras do grupo de goberno



### Que son os encontros AO VIVO?

Son actos de rendición de contas do alcalde e de todos os integrantes do goberno municipal de Santiago. Encontros nos que se dá unha comunicación AO VIVO entre a cidadanía e o executivo local co obxectivo de constituír un novo espazo participativo no que veciñanza e goberno poidan conversar e establecer relacións directas.

### Por que agora e non antes?


Os encontros do goberno AO VIVO son un paso máis no labor de abertura do Concello á cidadanía. Durante o primeiro ano e medio deste mandato o goberno municipal reuniuse con case a totalidade do tecido asociativo da cidade co obxectivo de recuperar a confianza na institución. Encontros e visitas a barrios e parroquias nas que o asociacionismo veciñal foi o mellor aliado para testar as necesidades da cidade e así construír a **auditoría cidadá** que hoxe guía o labor de goberno. Unha vez finalizado este proceso, é a vez de contrastar coa veciñanza AO VIVO todo o recollido, de marcar prioridades, incorporar demandas e explicar problemáticas onde as haxa.

### Haberá encontros en todos os barrios e parroquias?

Co obxectivo de abarcar todo o territorio realizaranse nove encontros AO VIVO, repartidos en 6 áreas urbanas e 3 áreas rurais. Cada unha das áreas agrupará a un conxunto de barrios ou parroquias próximos que moitas veces comparten problemáticas. O feito de ser un número reducido de barrios tamén permitirá que se traten temas concretos de cada barrio ou parroquia.

### Que temas se poden tratar?

Todos os que teñan que ver co goberno municipal, coas demandas da cidadanía, cos proxectos en marcha ou cos proxectos futuros. Aínda que se divida o termo municipal en



áreas, os temas a tratar poden ser referentes a cada unha das áreas, a un barrio ou parroquia en concreto, ou ao conxunto da cidade. Os encontros do goberno AO VIVO son unha oportunidade de corresponsabilizármonos en construír un Santiago mellor entre todas e todos.

### Cando e onde se celebran?

Co obxectivo de facilitar ao máximo a asistencia cada AO VIVO celebrarase un sábado pola mañá en diferentes espazos municipais da cidade e serán anunciados con suficiente antelación. O penúltimo ou o último sábado de cada mes serán os días escollidos, facéndose público o calendario para todo o ano a principio do mesmo. Ademais, contaremos con servizos de conciliación para que quen teña crianzas poda asistir igualmente, así como un servizo de interpretación da lingua de signos.

### Como se desenvolve un encontro AO VIVO?

No inicio de cada encontro o alcalde e algúns dos membros do goberno farán unha introdución ao acto no que explicarán a Auditoría cidadá que será entregada aos asistentes, en que punto estamos na resolución dos problemas, e que perspectivas e proxectos existen para o futuro. Despois desta breve primeira parte será a vez da veciñanza asistente que poderá participar AO VIVO. Para garantir que todas as persoas teñan oportunidade de falar contaremos con persoal profesional da mediación que regulará o debate, medindo tempos e favorecendo a diversidade de todas as achegas.

### COMO FUNCIONA ESTE ENCONTRO?

Benvinda/o! Os encontros co goberno AO VIVO pretenden favorecer o diálogo entre a veciñanza e a equipa de goberno municipal. Para facilitalo, imos basearnos nos seguintes principios:

#### 1. ROLDA DE PALABRA

O equipo de moderación encargárase de tomar nota dos nomes das persoas que queiran intervir. Faremos roldas de palabra de cinco intervencións, despois responderá o goberno. Ao concluír, abriremos outra rolda de palabra até esgotar o tempo previsto.

#### 2. INTERVENCIÓNS BREVES E CONCRETAS

Dous minutos por intervención e catro para

a réplica do goberno. Tenta levar claro o que queiras dicir, preguntar ou comentar. Deste xeito será máis doado responder ao que sinalas.

#### 3. DIVERSIDADE POR IDADE E XÉNERO

Alternaremos homes e mulleres, persoas maiores e novas, etc. Tamén procuraremos que se expresen o maior número de voces diferentes, por iso terán preferencia aquelas persoas que aínda non falasen.

#### 4. RESPECTO MUTUO

Calquera intervención é ben acollida, desde a crítica ao enfado, desde a satisfacción á curiosidade. A base para expresala é o respecto mutuo por todas as persoas, presentes ou non.

## AVALIACIÓN CIDADE HISTÓRICA

### Sexo?

Home  Muller

### Idade?

### Como valoras este encontro?

1 2 3 4 5

### Como valoras o espazo (comodidade, accesibilidade...)?

1 2 3 4 5

### Foi axeitada a súa duración?

1 2 3 4 5

### Foi axeitado o seu horario?

1 2 3 4 5

### Deixa aquí as túas suxestións: